

奉直戰史

下冊

上海宏
文圖書
館出版



奉直戰史

卷三

第一章 戰事之真相

奉直之戰。說者謂兩方面布防備戰。至四月二十五號。始各就緒。二十七號。方開始攻擊。其實布防之際。兩軍劍拔弩張。開火已不止一次矣。特以小部分之接觸勝負。無所關係。且均不欲以戎首自居。故諱之耳。

奉軍大本營在天津之東。軍糧城總司令張作霖。卽駐節於此。以火車爲行轅。其作戰方略。分三路進攻。擬集中于保定。東路在津浦路之馬廠一帶。司令者爲闕朝璽。李景林。中路在永清固安。司令者爲張學良（作霖子）許蘭洲。西路在長辛店。司令者爲張景惠。鄒芬。張作相則駐二十七師及其他精銳之軍于落垡。而指揮三路焉。

直軍之大本營在保定。分左右兩翼及中路。以應奉軍。右翼指揮者爲王承

斌。張國鎔駐軍于任邱大城之間。（抵禦奉軍東路）左翼指揮爲孫岳彭壽華駐軍於琉璃河良鄉之間。（抵禦西路奉軍）中路則總司令吳佩孚自任之駐涿縣其軍隊則集中于固安霸州。

至于軍旅之分配東路則奉軍爲二十七師之一部吳俊陞二十九師及騎兵數旅直軍則爲張國鎔二十六師閻治堂二十師之一部王承斌師之一部及張克瑤等之數混旅中路則奉軍爲許蘭洲一師張學良一混成旅及鮑德山等之兩混旅直軍則爲張福來之二十四師吳佩孚三師之一部及董政國等之三混旅西路則奉軍爲張景惠一師汲金純二十八師之一部鄒芬之十六師鄭殿臣之兩混成旅直軍則爲馮玉祥之十一師二十三師之一部第三師之一部孫岳等之兩混成旅總上以觀雙方軍隊有十餘萬之多戰線蔓延二百餘里之長聲勢不可謂不浩大也。

兩軍作戰時奉軍之旗幟爲紅黃藍三色表示漢滿蒙三族兵士之徽章爲白色直軍之旗幟爲紅色表示爲漢族兵士之徽章爲赤色

兩方之大較軍隊則奉衆（奉軍入關總數爲十二萬）而直寡（直軍不滿十萬人）軍備則奉富而（有大炮一百五十尊機關槍二百架）直貧（有大炮一百尊機關槍百架）地勢則奉優而直促更加以猛烈之炮火剽悍之馬隊在在均足以制直而有餘然直軍憑恃其士氣與戰術卒不相屈與之轉戰于京津之間以決成敗者是可紀已茲按三路分日記之以備欲知奉直戰史之真相者考焉

一 東路之戰

四月二十一日（夏歷三月廿五日）

奉軍闕朝璽之一部由馬廠將沿津浦鐵路至徐州直軍二十六師阻之奉軍遽開火直軍應之經一時許

雙方均微有損傷。奉軍旋退去。直軍遂毀滄州唐官屯間鐵路十七英里。
二十六日（夏歷三十日）直主將吳佩孚以奉軍累次挑戰。下攻擊令。
王承斌命張國鎔與奉軍第七旅一二兩團及第一旅騎炮各營戰于姚
馬渡。歷三時之久。互有傷亡。會日暮停戰。

二十七日（夏歷四月初一日）黎明兩軍繼續作戰。相持至日。中國鎔
調二十三師之一部冒死衝鋒。自率大隊繼之。奉軍敗退十餘里。直軍奪
得大炮一尊。快槍數百支。

傍晚直軍復進攻靜海之西南。用三面包圍。計力逼奉軍。奉軍奮勇抵禦。
激戰終夜。以馬隊衝破直軍陣線。直軍不支。向大城退却。死亡頗衆。

二十八日（夏歷初二日）晨奉軍追擊抵大城。以團長穆某右臂中彈。
另調三四兩梯隊環攻之。直軍二十六師援兵開到。抵拒甚力。

二十九日（夏歷初三日）午刻奉軍張作相統率衛隊旅四營及第四

混成旅一團攻擊直軍二十六師之後復調第三混成旅助戰及至運河復用衝鋒前進直軍不敵紛紛向任邱退走死傷四百餘人奉軍遂佔大城下午六時靜海之東北十五里忽發現直軍一部份紛紛挖地駐紮靜海之奉軍旅長李景林聞信率隊進攻復有黑龍江騎兵一營隨後追趕未及十里該挖地之直軍紛紛往任邱退却李景林趨軍至其地附近（離大城僅十餘里）未見直軍前來抵禦恐有他故遂退及騎兵繼至地雷大發死傷幾盡張作霖聞之遂下令以後與直軍戰須半追半守以避地雷

三十日（夏歷初四日）上午奉軍得李景林生力軍萬餘人以機關槍爲前導馬隊次之步隊又次之進攻任邱直軍馬隊不甚得力初開仗即

小挫嗣王承斌援軍到猛力抵禦大敗奉軍乘勝追擊于下午四時佔領大城白洋橋一帶獲十五生的重炮三尊機關槍六架駝騾多匹

五月一日（夏歷初五日）

上午王承斌自將精銳與奉軍對壘于姚馬

渡白洋橋等處激戰凡九次至下午三時始擊破奉軍進克大城縣是役奉軍彼俘者兩連死傷者三百餘人直軍乘勝進攻馬廠

二日（夏歷初六日）

奉軍既失大城電中路告急張學良率步軍萬人

許蘭洲率馬隊一旅炮兵一團于下午五時抵馬廠與直軍鏖戰終夜兩軍遞相進退凡四次勝負不決黎明有直軍第三師之一部開到加入戰線彈折許蘭洲左臂張學良援之亦被創奉軍遂大敗紛紛向楊柳青潰退直軍進攻馬廠奉軍被繳械者千餘人遺棄軍械子彈無算

三日（夏歷初七日）

直軍攻馬廠奉調靜海楊柳青之生力軍援之直

軍先小挫沿子牙河退十里有連長一人兵士三十餘人爲奉軍所俘旋得任邱援軍復反攻大戰于姚馬渡白洋橋王家口一帶奉軍衝鋒者凡五次均不得手嗣直軍忽得中路戰勝訊士氣大奮奉軍始不支向唐官屯靜海敗退司令李景林遏之殺潰兵數人不能止率其部下走獨流直軍遂克馬廠青縣

四日（夏歷初八日）

奉軍既失馬廠敗兵集中于靜海尙有四旅之衆力圖編制反攻午後一時聞西路大敗營長以上之軍官有擅離營次潛逃天津租界者張作霖大怒殺團長一人調潰軍至天津由京奉路送回關外而李景林之殘部獨嚴整有紀律扼守楊柳青以南不肯去迨下午直軍佔靜海進逼梁王莊奉軍繳械者七千餘人有勸景林撤軍者景林慨然曰此地一失則直軍將長趨北下進佔軍糧城以斷京奉之交通縱

不危及太帥其如中西兩方面敗軍之歸路乎景林而一日能戰者必遮此路以招我遼東之子弟歸也作霖聞之爲之感嘆

六日（夏歷初十日）

李景林聞張作霖率敗兵走灤州卽棄楊柳青大炮兩尊移軍至北倉將進駐軍糧城爲灤州後蔽晚九時有直軍四列車開至北倉遇之勒令繳械不允卽互相開火歷一時許奉軍不敵棄炮退却直軍逼之一部潰散一部投降于直軍自言已一日夜不得食直軍大索景林不得

七日（夏歷十一日）

直軍二萬人分裝十四列車開往軍糧城奉軍殘部拒之苦戰殊力死傷甚多吳佩孚在天津聞之馳往督戰奉軍不支始允全數繳械遣散直軍前線遂擴張至蘆台而東路之戰事以終

四月二十四日（夏歷三月廿八日）

奉軍開始向固安進攻以機關鎗爲前導直軍禦之受傷甚多旋由直軍第二支隊長彭剛從左右分兵抄襲始將奉軍擊退亦用汽車駕機關鎗相追擊斃奉軍甚夥是役也雖非大戰而雙方傷亡實不下五百人云

二十七日（夏歷四月初一日）

上午八時固安方面之奉軍突向直軍開火直軍應戰至十時許不分勝負奉軍忽紛紛退去

下午一時奉軍司令張作相率軍渡永定河駐永清縣與直軍相距七里晚九時有直軍一排密獲奉軍渡船二隻被奉步哨窺見歸告本營卽出隊遂暗向直軍射擊互相開火約一時許旋直軍暗中撐船退却奉軍以深夜恐中計亦不追擊

二十八日（夏歷初二日）

下午六時直軍向奉軍挑戰接觸移時直軍

忽退却四十餘里。奉軍追之。觸地雷死百餘人。

二十九日（夏歷初三日）

中路奉軍第二梯隊于下午正十二時渡永定河。與王承斌所部之三十三、四十六、七十四混成團大戰。至下午六時。奉軍稍敗。退至固安縣西北三十里。遇奉軍後援之馬隊二團步兵一營。至此遂合在一處。攜大砲兩架由小道襲直軍。之後直軍敗退。遂占固安。鮑德山卽由固安進攻永清。駐琉璃河之直軍第九師聞信。馳往奉軍戰。不利。退至半途。承斌部將復整軍襲擊。將大潰。奉軍師長許蘭洲聞警。率第三梯隊及大砲四架。星夜馳赴前敵。助戰。歷數小時。勝負未決。奉軍之砲火甚猛烈。蘭洲所帶者。射擊力可打八千米。達之遙。直軍知其猛。均臥於來回綫下。以步槍擊奉軍。許蘭洲受微傷。忽突來吉林二十八師之騎兵兩營。衝殺直軍。稍敗。奉軍衝過永定河數里。誤觸直軍地雷。死傷數百。

人始收軍回固安。

三十日（夏歷初四日）

上午四時。張作相軍佔領永清固安間之牛頭鎮。直軍十四旅敗退四十里。奉軍追之。爲張福來所部擊走。夜十二時。張學良軍復進攻霸縣。

是日上午。中路奉軍自師長以下會銜。在落垡宣布吳佩孚十大罪狀。

各報館鈞鑒。竊惟統一者。國體之完全。和平者。人民所祝禱。讀張巡閱使皓電。本和平之意。爲統一之謀。磊落光明。中外共見。乃吳佩孚冥意孤行。居心破壞。當茲解紛排難諸耆老。調停載途。息事甯人。各團體呼籲若渴之時。罔顧公議。甘冒不韙。突於二十七日晚。在馬廠迤西向我軍開始搗襲。嗣卽下總攻擊令。殺機一闢。戰覺橫開。首禍有人。作孽難追。似此元凶。誠屬公敵。所爲馳賓王之檄。用摘伏以發姦。騰陳琳之書。

乃聲罪而致討。謹就其歷史上之大罪。爲我國人縷陳之。否認總統。嫚稱先生。荒謬絕倫。夙稽天討。大罪一。岳旣下。擁衡兵。刦要通敵。受金違法政府。大罪二。國民國是。濫招會議。軌道莫尋。糾紛滋起。大罪三。新舊國會。胥弗贊同。法律弁髦。阻撓選舉。大罪四。垂涎湘督。撤防自由。凌亂紀綱。敝屣天職。大罪五。因爭地盤。流血百萬。湘鄂川陝。滿目瘡痍。大罪六。決堤灌敵。小民爲魚。塗炭生靈。殘無人道。大罪七。到處勒捐。羅雀掘鼠。行同盜賊。各省騷然。大罪八。梁閣新成。遽肆嫚罵。干政亂紀。蔑視中央。大罪九。南北挑釁。反覆無常。病國蠹民。惟乃階厲。大罪十。至其障礙和平。破壞統一。種種罪惡。枚舉何堪。是誠天地之所不容。人神之所共嫉。乃弗閉門思過。仍好鬥而思逞。詎知佳兵不祥。必不戢而自焚。蘭洲等陳師鞠旅。願國難之有殍。射馬擒王。誓撲殺夫此獠。謹率塞上健兒。

關外鐵騎。隨諸將之後。摧彼虜之元。天下興亡。匹夫有責。海內賢達。盡起圖之。除暴安良。枕戈飲泣。誓以天日。用答四民。臨電不盡欲言。鎮威軍副司令騎兵集團司令官許蘭洲旅長張奎武張榮團長于鳳林管永勝江顯珍劉宗堯王永湘率全體官兵同叩卅。

五月一日（夏歷初五日）

上午六時。吳佩孚自涿州出發。親督隊渡永。

定河。占南許廟。克固安。留軍守之。而返奉軍。退至河。遇豐台。落垓。援軍至。復返。攻以隔岸之大炮。爲掩護。向之轟擊。自午至申。彈凡數千。發民居樹木多毀。守軍不能禦。向新城退却。奉軍復佔固安。遂分軍助攻霸縣。破之。張學良調駐通州騎兵大隊赴固安增防。

當奉軍返攻固安時。直軍飛機向落垓奉軍司令部擲炸彈。未中。

二日（夏歷初六日）

天微明。直軍第六及第四十五旅向固安霸縣間。

之奉軍進攻張學良郭松齡指揮衛隊旅暨三旅之一部應戰旋經直軍擊退進佔慈茶埠一帶陣地張學良復調生力軍兩混成旅以炮火掩護猛烈反攻自晨至日中兩方死傷相繼仍不相下直軍有至涿州請援者吳佩孚曰援之不如牽掣敵勢之爲益也飛調十二旅及四十六旅急攻永清更命張錫元之第四旅及李鳴鐘二十一旅馳赴後方策應張學良聞永清有警知將前後受敵以敢死隊千二百人突前進至二百米達直軍以排槍及機關槍擊之死傷殆盡郭松齡受重傷奉軍氣餒紛紛向後敗退直軍奮勇逐之敗兵大潰不復成軍直軍乘勝追擊進佔距津五十餘里之勝芳橋一帶獲奉軍重炮五尊機關槍五架俘千餘人是役奉軍雖敗而殊苦戰一營之中有陣亡連長至四人之多者

三日（夏歷初七日）

晨直軍仍乘勝追擊張學良創潰先離軍奔落垡

奉軍益潰亂不堪復遺棄大炮五尊機關機九架

直軍中路右翼聞勝芳方面得手卽分兵襲固安克之復合軍猛烈攻擊田家鎮附近之奉軍歷二時許奉軍亦不支向新安后奕敗退直軍分兩路跟蹤追擊進佔后奕鎮廊坊落垡間大震張作相親率二十七及二十八師來援直軍奮鬪四五小時無暇進食不勝饑疲將退走會吳佩孚率三師之一部在後方策應卽以所部臨前敵親自督陣奉軍瞭望者識之發重炮遙轟佩孚與副官某同下馬避之副官被擊死佩孚之帽亦著兩彈反前趨雜裨卒中揚刀大呼曰佩孚在此士皆奮呼猛進奉軍被逼陣線移動旅長張某忽中彈死遂大敗退走二十餘里第三師遂與勝芳信安間之直軍相會合攻永清縣佩孚始換馬率兵兩營馳赴西路督戰（是役奉軍司令部卽傳播消息謂孚威已被炮火斃擊張作霖以五十萬

元犒賞建此功之炮師中外人士大震

二十七師二十八師爲奉天步兵之精銳與直之第三師相似自開仗東西援應已多夷傷至是又爲吳佩孚所敗奉之中路始不復振而西路亦孤立矣

四日（夏歷初八日）

直軍三面包圍永清上午八時得總攻擊令卽猛烈進攻歷九小時之久至下午五時克永清進佔安次奉軍敗退直軍追至楊村以南會西路奉軍亦敗紛紛向落垩退走直旅長張錫元追之進逼落垩永清直軍聞訊復攻楊村以應之兩處炮火猛烈轟聲如雷奉軍膽落皆不戰向廊坊潰退張作相逃天津直軍克楊村落垩

先是下午一時張作霖聞直軍三路齊進知勝負關鍵在此一戰宣言至落垩督陣及下午七時抵天津落垩已失作霖怒甚頓足大罵將士無用